



The Holy See

IOANNES PAULUS EPISCOPUS

SERVUS SERVORUM DEI

AD PERPETUAM REI MEMORIAM CONSTITUTIO APOSTOLICA **DUNDENSIS*** NOVA IN ANGOLIA EXCITATUR
ECCLESIASTICA

DICIO «DUNDENSIS» RITE APPELLATA Angoliae evangelizandae opus quandoquidem longissime Nobis videtur hisce proximis profecisse annis novumque attigisse florem, de eadem dilecta quidem catholica communitate placet hodie Nobis provida omnino capere consilia, unde Ecclesia iisdem etiam magis efflorescat maturescatque in locis. Omnibus nempe rebus funditus perpensis auditisque illius regionis Venerabilibus Fratribus Episcopis, pro apostolicae auctoritatis Nostrae plenitudine in provincia inibi civili vulgo « Lunda Norte » novam condimus circumscriptionem ecclesiasticam, cui posthac titulus erit *Dundensis* quaeque totam regionem complectetur communiter nuncupatam « Lunda Norte », quam propterea a dioecesi Saurimoensi legitime seiungimus. Dundensem hanc communitatem subesse veluti suffraganeam volumus Ecclesiae Metropolitanae Luandensi, eiusque cathedralem aedem statuimus sic dictam « Nossa Senhora da Conceição » ipsa in urbe Dundensi ita ad gradum dignitatemque provectam cathedralis templi secundum canones sacros. Has denique Apostolicas sub plumbo Litteras tam in praesens quam posterum valere in tempus iubemus, contrariis causis haudquaquam obsistentibus quibuslibet. *Datum Romae, apud Sanctum Petrum, die nono mensis Novembris, anno*

Domini bis millesimo primo, Pontificatus Nostris vicesimo quarto.

ANGELUS card. SODANO

Secretarius Status

CRESCENTIUS card. SEPE

Congr. pro Gentium Evang. Praef.

Marcellus Rossetti, *Protonot. Apost.*

Leonardus Erriquenz, *Protonot.*

Apost.

*A.A.S., vol. XCIV (2002), n. 2, p. 102 © Copyright 2001 - Libreria Editrice Vaticana